



Prosedura di Keho Fundashon Pro Bista

Fundashon Pro Bista
Redaktá na aña 2009
Adaptá na aña 2019

Persona di Konfiansa

Bestür ta nombra kuater persona di konfiansa den e organisashon. E kuater personanan di konfiansa ta forma huntu e komishon di keho.
(klachten commissie)

E personanan aki ta wòrdú nombra pa un periodo di seis año. Despues di e seis añanan,nan por wòrdú reeligí, si nan a funshoná bon.

Un di e personanan di konfiansa ta wòrdú apuntá como kordinadó. Esaki ta pa un periodo di dos año. Despues di e dos añanan aki ta posibel pa e periodo wòrdú alargá. E kordinadó ta e persona ku tin kontakto ku bestür i e sobra miembran di e komishon di keho. E kordinadó te e persona ku ta sòru pa tin suficiente kontakto entre e personanan di konfiansa.

E personanan di konfiansa ta wòrdú dirigí dor di un miembro di bestür. E persona aki ta alabes e presidente di e komishon di keho. E presidente aki no ta envolví direktamente ku e parti di keho. E personanan di konfiansa ta traha kompletamente independiente den esaki. E presidente ta para solamente como e persona di kontakto pa ku bestür.

E miembran di e komishon di keho for di 1 yanüari 2009 ta:

Esther Winklaar (direktora):	Kordinadó
Kendra Evertsz (Kordinadó di dp. di mucha i hóben):	Sekretaria
Eleazar (Sammy) Rojas (ergoterapista)	Miembro
Sherlyn Manuela (guiadó di aktividat)	Miembro
Gedeona Belioso (bestür)	Presidente

Kon ta entrega un keho

Un keho por wòrdú entrega dor di kualke persona ku ta liga na e fundashon. E keho no por wòrdú hasi di forma anónimo. Keho ku wòrdú entrega di forma anónimo no ta wòrdú trata.

Bo por entrega un keho verbalmente óf por eskrito.

Un keho por wòrdú entrega di e siguiente maneranan:

- Serka e persona mes ku bo ke entrega un keho kontra dje, óf serka su superior.
- Serka un dje personanan di konfiansa.
- Serka e Komishon di Keho (por eskrito)
- Serka bestür (por eskrito)

Si bo entrega un keho direktamente na e persona ku bo tin un konflikto ku n'e, óf serka su superior, e persona aki mester reakshoná riba e keho. Na momentu ku un di bosnan dos ta deseá eseí boso por aserka un di e personanan di konfiansa.

Si bo entrega un keho serka un di e personanan di konfiansa, esaki lo tuma kontakto ku bo denter di un siman pa por haña mas splikashon di e motibu pa e keho, anto pa duna bo splikashon di e prosedura pa intermediá den e konflikto.

Keho ku wòrdú entrega serka e komishon di keho óf serka bestür lo wòrdú evaluá dor di e kordinadó i e sekretaria pa wak si e kasos ta kai na remarke pa e komishon intermediá. Si ta asina ku e komishon disidí ku nan lo por intermediá den e kasos aki, nan ta manda un karta denter di dos siman pa e kehadó, indikando ku nan ta apuntá un miembro di e komishon, pues un persona di konfiansa, pa bai intermediá den e kasos.

Un persona di konfiansa no por intermediá si tur dos banda no duna outhorisashon. Pues e kehadó, i e persona ku e tin konflikto ku n'e mester duna nan aprobashon.

Tur keho ku wòrdú entrega ta wòrdú registrá.

E meta di intermediashon

E meta di intermediashon dor di un persona di konfiansa ta:

- Pa satisfakshon di e kehadó.
- Drecha e relashon entre e kehadó i e persona(nan) ku e tin konflikto ku n'e.
- Trese un aporte na e kalidat di servisio ku e sentro ta brinda.

Nos ta sali for di e punto di bista ku tur dos banda mester keda satisfecho.

Tareanan ora di intermediá

E persona di konfiansa ta guia e kehadó dunando e informashon tokante e posibilidatnan di intermediá i trata un keho.

E persona di konfiansa ta duna un splikashon verbal i tekstual tokante di e detayenan di un keho. Esaki ta pa trese klaridat.

E persona di konfiansa ta trese e kehadó i e persona ku e tin konflikto ku n'e, òf su superior den kontakto ku otro.

E ta regla un kombersashon entre nan, kaminda ku e persona di konfiansa ta e intermediario, i e ta dirigí e kombersashon.

E persona di konfiansa tin ku reportá e keho, loke e la hasi pa intermediá i e resultado. Denter di un siman ku a kaba di intermediá e persona di konfiansa mester manda e rapòrt pa e kordinadó.

Na komienso di kada año, promé ku 1 aprel, mester manda un rapòrt pa bestür, sobra miembro di e komishon di keho, i e supervisoran di kada departamento. Den e rapòrt mester bini kuantu keho tabatin, i tokante di kiko nan tabata. E komishon ta sinta huntu i deliberá tokante di e rapòrtnan.

A base di e reportahenan e kordinadó por duna rekomendashon na bestür i e supervisoran di kada departamento kon pa mehorá e servisio.

Forma di traha ora mester intermediá

Ora un persona di konfiansa haña un keho riba papel, e mester manda un karta pa e kehadó denter di un siman, indikando ku e la risibí e keho. Tambe e intermediadó ta entrega e karta di e kehadó na e otro persona den e konflikto pa esaki por duna su reakshon.

Ora e keho wòrdú duna verbalmente na e persona di konfiansa, esaki no mester entrega un karta indikando ku e la risibí e keho. E persona di konfiansa ta aserka e otro persona den e konflikto verbalmente i pidi esaki pa su reakshon.

E persona di konfiansa ta deliberá ku tur dos banda riba e manera ku e ta bai intermediá.

Posibilidatnan di intermediashon:

- Un kòmbersashon entre e intermediario i e kehadó.
- Un kòmbersashon entre e kehadó i e otro persona den e konflikto òf su supervisor.
- Un kòmbersashon entre e kehadó, e otro persona den e konflikto òf su supervisor i e intermediario. Akinan e intermediario ta guia e kòmbersashon.
- Un karta di e otro persona den e konflikto òf su supervisor dirigí na e kehadó ku un kopia pa e intermediadó.
- Un karta di e intermediadó dirigí na e kehadó, kaminda e ta pone e reakshon di e otro persona den e konflikto òf su supervisor.

E supervisor ta wòrdú informá di un keho ku drenta anto di e resultado di e intermediashon.

E persona di konfiansa tin ku finalisá e periodo di intermediashon denter di dos luna. Si akaso e periodo aki resultá muchu kòrtiku, e mester informá ámbos banda ta kiko ta e motibu ku mester alargá e periodo, i e mester duna un fecha nobo pa finalisá.

Outoridat di e intermediadó

E intermediadó por buska informashon solamente si e kehadó dun' é outorisashon pa hasi eseí.

E intermediadó no por konsulta e file di e cliente (kehadó) pa por hasi su trabou di intermediario.

E intermediadó por buska konseho serka e otro miembranan di e komishon di keho.

Konfidensial

Tur informashon ku e intermediadó haña, e mester konsiderá como konfidensial. E ta responsabel pa e informashon atkerí, i mester sòru pa esaki wòrdú bon archivá, i trata ku e konfidensialidat nesesario.

Final

E prosedura di keho aki lo wòrdú evaluá aki dos aña. Bestür lo wòrdú informá tokante di e resultado di e evaluashon.

Bestür por hasi kambio den e reglamentu a base di konseho duna dor di e komishon di keho.